

2019

AÑA DI FAMILIA
Y DI CUIDO DI NOS
MUCHANAN

ISLA(•)NLINE

Diamars 23 April 2019

Email: prensa@arubagovernment.aw Tel: 528-4900


CU PERSEVERANCIA
PA NOS ISLA



GOBIERNO DI ARUBA



Isla Online
Noticia Di Gobierno


 MINISTER EVELYN WEVER-CROES

Prome Minister di Aruba

Gabinete Wever-Croes ta logrando DIFERENTE FASE PA CONSTRUCCION DI INTEGRIDAD DEN GOBERNACION

Recientemente, Universidad di Aruba a organisa un charla riba e tema "Government Criminality and State Undermining". E charla tawata dirigi riba e area di integridad cu debatenan y ponencianan interesante y importante den e trayectoria pa integridad. Gabinete Wever-Croes ta cuminsando cu e trayectoria di integridad poniendo ya caba diferente bloki pa e construccion di integridad den Gobierno y cada ayudo di sector academico, sector priva y sector publico lo wordo tuma den consideracion. Prome Minister Evelyn Wever-Croes ta enfatisa e importancia di tin un fundeshi firme di Integridad den gobernacion.

Gobierno di Aruba ta trahando riba diferente fase pa pone e fundeshi firme pa Integridad na Aruba entre otro Bureau Integriteit, Integriteits Kamer, Corporate Governance Code pa companianan estatal, Oficina di Obudsmen, Ley di Financiamiento di Partidonan Politico, Ley di Screening di integridad di minister y parlamentarionan, KlokkenluidersRegeling pa esnan cu ta denuncia corrupcion.

E prome fase ta e Bureau Integriteit, Oficina di Integridad ta ful avansa. Awoki ta den proceso pa yega na un hefe di e departamento y empleadonan cu lo bay traha den e departamento aki. Esakinan ta esnan cu ya ta trahando den gobierno y ta desea un overplaatsing. E hefe di e departamento por ta un persona cualifica sea paden of pafo di gobierno pa guia e bureau aki. Oficina di Integridad su meta ta pa aumenta conscientisacion den empleadonan publico, duna charla y training pa splica kico por y kico no por. Oficina di Integridad lo ricibi y procesa yamada y kehonan di esnan cu ta raporta kiebro di integridad sea den sector publico of sector priva. Cada yamada y keho di kiebro di Integridad lo wordo investiga pa asina garantisar Integridad den e aparato gubernamental.

E di dos fase ta Integriteits Kamer, Camara di Integridad. E oficina aki lo scrutina desicionnan grandi di Gobierno especialmente den destahonan publico. E oficina aki ta inclui den e presupuesto di otro aña y e lo bira operacional tambe pa otro aña.

Corporate Governance Code ta un organo cu lo percura pa tur companianan estatal y intitutonan semi publico tin e mesun reglanan di integridad y lo controla si nan ta cumpli cu tur regla. Nan lo duna Gobierno conseho sea cu Gobierno ta pidi of no. E organo aki ta den proceso di wordo organisa y tambe lo ta operacional pa otro aña.

Oficina di Ombudsman. Ombudsman ta e defensor di pueblo.



Den Reino, Aruba ta e unico pais cu ainda no tin Ombudsman y esaki ta den proceso pa wordo realisa y bira operacional e aña aki caba. E ley ta na caminda pa Parlamento caba despues di a wordo revisa y adapta. Ya caba tin un 'kwartiermaker' pa organisa e oficina aki cu ta proyecta pa cuminsa funciona na principio di otro aña pero lo haci esfuerso pa e cuminsa opera na final di e aña aki mes.

Ley di Financiamiento di Partidonan Politico lo percura pa tur donacionnan na partidonan politico wordo registra cu por wordo controla despues. Pronto e ley aki lo wordo trata den Parlamento bou iniciativa di Parlamentario Edgard Vrolijk. Otro aña e ley aki lo keda cla y pa e siguiente eleccion lo e ta na vigor tambe.

Ley di Screening di integridad di minister y parlamentarionan tambe ta bou encargo di Parlamentario Edgard Vrolijk y actualmente ta wordo revisa pa Directie Wetgeving y ta trahando riba ultimo cambionan pa asina pronto tambe lo worde trata den Parlamento hunto cu e "KlokkenluidersRegeling".

Cu e KlokkenluidersRegeling, ta garantisar e empleado cu mira corrupcion pasa, por denuncia esaki sin cu e ta wordo persigui y perde su trabou.

"Esakinan ta e blokinan pa construi e edificio di Integridad den Gobierno. Ainda nos no ta caminda nos mester ta, pero nos ta hopi bon riba e caminda. Entre e aña aki y otro aña, mayoria di e proyectonan aki mester ta completa y cu placa riba presupuesto. Gobierno lo logra e meta di trece integridad, transparencia y bon gobernacion den gobernacion", Prome Minister Evelyn Wever-Croes e duna di conoce.



RESUMEN DI SIMAN

UN SIMAN DI TRABOU CORTICO TRAS DI LOMBA CU LOGRONAN GRANDI

• E siman aki Gabinete Wever-Croes a presenta e Maneho Economico pa Aruba 2019-2022 pa un economia Fuerte y Resiliente. Pa prome bes Gobierno di Aruba ta presenta un documentacion den cual ta stipula e maneho integral pa stimula economia na Pais Aruba, cu a wordo prepara hunto cu tur stakeholders. E maneho ta contene e 6 sectornan prometedor cu ta brinda oportunidad pa diversifica e economia di nos Pais. E vision economico ta dirigi riba crecimiento economico. Sinembargo, crecimiento economico riba su mes no ta e meta. E meta ta crecimiento di calidad di bida di cada ciudadano debi na e crecimiento di oportunidad pa haci negoshi of pa cupo di trabou cu pago husto. Crecimiento economico no ta nifica nada si e no ta crecimiento inclusivo, den cua tur ciudadano ta haya e mesun oportunidadnan pa progresa. Esey nos kier logra.

• Gabinete Wever-Croes ta poniendo e ser humano central, especialmente nos hendenan special. A organisa un 'buitendag' pa 350 persona special, di tur edad. Nan a keiro den e 'Bus di Alegria' henter mainta, y a termina na Parke Curason na Yaburibari pa un celebracion. Tabata un celebracion hopi ameno, den compania di minister y parlamentarionan poniendo nos hendenan special central, pasobra nan tambe ta conta.

• Trabounan pa logra e fundeshi di INTEGRIDAD den Gobierno ta continua hunto cu e 'Klankbord Groep Integriteit' cu ta encarga cu busca un hefe y personal pa e Oficina di Integridad di Aruba. E vacaturanan a wordo publica recientemente pa asina yega na e personal necesario. Tambe ta trahando riba e ley pa duna un base legal na e Oficina di Integridad, pa garantisar su continuidad den futuro, maske ki gobierno tin.

• Gobierno a ricibi e yabi di Cas Tan Tin for di Monumentenfonds y a entrega esaki na Fundacion Mi Cutisa, kendenan lo desaroya na e cas un centro di educacion cultural pa tanto local como pa turista. Cas Tan Tin ta e prome cas di cunuco pafo di ciudad cu ta keda rescata y conserva como patrimonio cultural pa nos Pais.

• E proyecto Kidpreneur\$ with BIG Ideas ta sigui gana tereno. E siman aki a entrega certificado na 38 hoben di klas 5 y 6 di Trai'Merdia na Scol Washington cu a participa na e proyecto. Un proyecto di Idea di Departamento Economico den cual e hobennan durante 6 siman ta siña con pa bira comerciante exitoso den futuro.


• Gobierno a entrega certificado na e prome grupo di miembranan di Cuerpo Especial Arubano (CEA) cu a sigui e curso di Wapenleer en Aanhoudingstechnieken. E curso ta un iniciativa di CEA y Marinierskazerne y a wordo duna door di instructornan di ambos instituto. Minister di Husticia a gradici CEA y Marinierskazerne pa percura pa e curso den cuadro di cooperacion den Reino y educacion permanente.

• Gobierno a dispidi cu elogio di Procurador General, mr. Alexander van Dam, kende ta regresa pa Hulanda pa continua eyan cu su carrera hudicial. Mr. van Dam a ocupa e puesto di Procurador General desde 2016. Minister di Husticia a gradici mr. van Dam pa su excelente trabou den dirigi Ministerio Publico y pa conceptonan innovativo manera Veiligheidshuis y Afpakteam, cualnan a bira realidad durante su periodo. Entretanto e proceso pa un Procurador General nobo ta andando conforme articulo VI.22 di Constitucion di Aruba. Sr. van Dam tabata instrumental den e fundeshi pa Integridad. E bon noticia ta cu desde Hulanda e lo sigui asisti Gobierno den e tareanan di Integridad.

• Gobierno a tuma e decision cu Island Fest lo cuminsa dia 29 mei na San Nicolas. E festival ta un concepto nobo y diferente. Esaki ta pa stimula trafico, stimula movecion y actividad economico na San Nicolas.

• Universidad di Aruba a celebra e hecho cu a logra acreditacion completo di ACPHA pa e Facultad FHTMS, esey ta facultad di hospitality and management di UA. E acreditacion ta un reconocimiento internacional na graduadonan di UA.

• E comision encarga cu prepara e condecoracionnan real a finalisa nan trabou, y un gran cantidad di ciudadano lo por ricibi un condecoracion real di Rey Willem Alexander e siman aki for di Gobernador di Aruba. Awo por cuminsa e preparacionnan pa condecoracion 2020. Pa bin na remarke pa condecoracion, e persona mester a ehersa trabounan voluntario riba cualkier tereno, cu un impacto grandi. E proposicion mester wordo haci pa un otro persona, e mester wordo entrega na e comision na Aruba y finalmente e Comision na Hulanda ta tuma e decision final. Pabien na tur esnan cu e siman aki lo ricibi e condecoracion real.



MINISTER OTMAR ODUBER

Minister di Desaroyo Teritorial, Infraestructura y Medio Ambiente

DNM CU YAMADA NA COMUNIDAD PA BAN MIDI NOS MATANAN



En conexon cu Dia Internacional di Mama Tera (Earth Day) riba 22 di april 2019, Departamento di Naturalesa y Medio Ambiente (DNM) ta lansa un proyecto científico cu participacion di nos comunidad p'asina por logra colecta data importante di nos matanan local y nan balor.

E proyecto ta encera pa hendenan sali y busca matanan cu troncon grandi cu por ta un indicacion cu e mata ey ta hopi bieu y e por tin un balor monumental tambe pa nos aki na Aruba. DNM kier compila data relaciona cu diferente mata na Aruba. Como un departamento cu ta encarga cu maneho y conseho ariba e temanan di naturalesa y medio ambiente, nos mester di bo ayudo.

Kico mester haci y cual ta e instruccionnan cu lo yuda DNM y Aruba colecta data valioso?


Locual un hende lo mester ta un cinta di midi (meetlint) na centimeter y un celular pa saca potret y subi'e riba nos website. Sali y busca un mata cu den bo opinion ta bieu den bo cura di cas, den mondi, area di campamento of areanan publico, y despues bo ta haci lo siguiente:

- 1) Subi riba www.midinosmatanan.com
- 2) Sigui e instruccion
- 3) Yena e datos di e troncon
- 4) Upload e potret (nan)
- 5) Duna bo posicion geografico
- 6) Pa proposito di verificacion mester emiti email, cual ta keda confidencial

DNM kier haya informacion tambe di unda e mata/palo ta crece. Pa esaki ta exitoso mester sigura cu ora saca e potret e 'location settings' ta 'ON'. E idea no ta pa e ta un competencia pero un yamada pa participacion científico di parti di nos comunidad. Tur informacion ricibi manera email of localidad ta permanece confidencial y no lo wordo otorga na otro persona of instancia. Por manda nos e potretnan durante henter luna di mei y juni 2019. Pa luna di juli nos lo kier duna informacion general di e data colecta. DNM lo publica e resultadoonan di e matanan midi door di e comunidad segun categoria/sorto. Si ta desea haya mas informacion por yama 584-1199 of email nos na info@dnmaruba.org.

Pasa un dushi Dia Internacional di Mama Tera!

ONE-WEEK WORKSHOP
FOR RETIRED OR SOON-TO-RETIRE PROFESSIONALS
TO BE FUTURE ENTREPRENEURS


MINISTER XIOMARA RUIZ-MADURO
Minister di Finansa, Asuntonan Economico y Cultura

AWOR ARUBA TIN UN CAMINDA CONCRETO PA CANA PA DIVERSIFICACION DI NOS ECONOMIA

Tin 6 sector cu ta prometededor



Siman pasa den un sala yen di stakeholders na Surfside Marina, Gabinete Wever-Croes por medio di Minister Ruiz-Maduro di Economia a presenta e Maneho Economico Fuerte y Resiliente 2019-2022. Esaki ta pa promer biaha cu Gobierno di Aruba ta presenta un documentacion cu ta contene e maneho economico integral pa stimula e economia di nos Pais. Un parti importante di e maneho ta e presentacion di e 6 sectornan prometededor pa diversificacion di Aruba su economia.

Bou guia di un facilitador internacional sr. Colm Riley di OCO Global, na mei 2018 un workshop a wordo organisa pa empresario na Aruba y den exterior pa asina hunto cu departamento di Gobierno y otro stakeholders, identifica cual ta e sectornan cu Aruba por y mester enfoca riba dje pa por logra diversificacion di nos economia. A base di e recomendacionnan cu a bin dilanti, a formula e sectornan prometededor pa un maneho economico integral den cual ta fomenta un desaroyo sostenibel cu ta

cuadra cu e metanan sostenibel pa 2030 manera decreta pa Nacionnan Uni.

E 6 sectornan prometedor ta den Turismo, Economia di Conocemento, Agricultura, Logistica, Economia Circular y Industria Creativo. Cada un sector ta brinda oportunidad pa negoshi. Den sector di turismo ainda tin oportunidad pa turismo di cultura, di sport, di aventura y turismo medico. Den Economia di Conocemento tin oportunidad pa tecnologia solar y di oceano, educacion avansa den ciencia, tecnologia, ingeniera y mathematica (STEM) y solucionnan di ICT pa islanan cu por wordo exporta. Na Aruba tin hopi oportunidad ainda pa Agricultura tradicional y moderno haciendo uso di tecnologia. Den e sector di Logistica tin oportunidad pa servicio maritimo, servicio aereo, servicio portuario y

pa warda producto di balor halto den nos wafnan cu ta bon vigila. Pa local ta e sector di Economia Circular tin oportunidad pa negoshi den material di desperdicio y den recycclahe. E sector di Industria Creativo tin oportunidad pa negoshi chikito y mediano den arte, musica, diseño grafico, fotografia, diseño di website, studio di arte y moda.

Awor cu e sectornan prometedor ta conoci nan ta brinda un caminda concreto pa cana pa por diversifica economia di Aruba. Gobierno den su rol di facilitador lo traha riba incentiva pa cada sector prometedor pa asina logra cu e comerciante cu ta den e 'driver seat' por concretisa e negoshinan cu lo diversifica nos economia.

6 promising sectors of Aruba



Abo a inscribi pa e tayer di Tambu? E MUSICA DI TAMBU

No perde e oportunidad aki... Dia 4 di mei nos ta cuminsa

Pa medio di tayer di tambu cu a consiti di 8 dia di les, comunidad di Aruba ta haya e oportunidad pa siña e tecnica basico di tambu. Su historia, tradicion, ritmo y funcion. Participantenan lo siña a base di historia oral, material educativo y hopi practica. Den e tayer lo traha hunto cu otro y usa instrumentonan tradicional.

* Mester ta 15 aña bai ariba pa por participa. Suma ta 75.00,- florin pa persona, esaki ta inclui material y algo pa refresca *.

Tayer lo tuma lugar dia 4, 11, 18 y 25 di mei pa continua dia 1, 8, 15 y 22 di juni 2019. Orario: 4.00pm – 6.00pm (esaki por cambia ainda) na Centro di Actividad Rancho, Koningstraat 38, Oranjestad Aruba.

Pa participa mester yena formulario di participacion mas tarda te cu 30 di april! Por pasa na Centro di Actividad den orario di oficina of por manda un email na centrodiactividadrancho@gmail.com

Pa mas informacion por yama Ginelly na 661 7671.



**PROTEHANDO Y CULTIVANDO
E MUSICA DI TAMBU
na Rancho**

Siña di e Herencia Cultural di musica di Tambu!

- E manera pa toca e tambu, e cantamento, e batimento di man,
- E origen di e musica di tambu, su funcion ancestral y instrumentonan
- E conexion y raiz comun entre e ritmo i estilonan di tambu desaroya den e Islanan di Caribe

Dona na:
Ivan Barrios (Facilitador)
Vicente Res (Tradicion oral di Tambu)
Mak Koelman (Tradicion oral Temba tambu)
Monche (Tradicion oral)
Romulo Lingal (Bayla tambu)

Tayer lo tuma lugar dia 4, 11, 18, 25 di mei y 1, 8, 15, 22 di juni 2019
 Orario: 4 pm - 6pm
 Na centro di actividad rancho Koningstraat 38 oranjestad Aruba.
 pa participa mester yena formulario di participacion prome cu 30 di april
 Suma ta 75 Florin pa persona (cu ta inclui material y algo pa refresca)

WORLD BEAT RECORDS ta presenta

RANCHO
 CENTRO DI ACTIVIDAD RANCHO
 Koningstraat 38, Oranjestad, Aruba

Pa informacion por yama Ginelly na 297-661 7671
centrodiactividadrancho@gmail.com

CEDE
 Centro di Educacion
 Aruba

DCA
 Departamento di Cultura
 Aruba

f Centro di actividad rancho



Stima Nos Streaanan di Aruba Cuida Nos Mama Tera!

PREPARANDO Streaanan di Aruba

SERIE NOSO DI BIVETANAN DI FLORIN 2019 TA CLA PA EXE

#FelizDiaDiMamaTera #HappyEarthDay #StreaanandiAruba


MINISTER GLENBERT CROES
Minister di Asunto Social y Labor

Departamento di Asunto Social: DAS TA YUDA Y INTERMEDIA TE CAMINDA CU POR


Departamento di Asunto Social

Den e ultimo simannan aki tin diferente casonan cu ta ser treci dilanti, especificamente door di un reportero, unda lastimamente ta purba, door di expone bida priva y kibrando privacidad di personanan vulnerabel riba pantaya, di trece Departamento di Asunto Social (DAS) bou di un luz negativo. Sinembargo, DAS ta garantisca comunidad di Aruba cu e Departamento ta traha den forma di profesionalismo y ta traha especificamente den margen di ley.

Den bida tin biaha tin situacion cu ta haci cu un persona por hay'e den cualkier tipo di problema. Algun di e problemanan aki por wordo resolvi cu ayudo di DAS. No obstante esaki, DAS su deber ta pa actua conforme ley, ta yuda y intermedia te caminda cu por.

Como ehempel, DAS mes no ta dispone di paketenan di cuminda. Si DAS ta traha cu entre otro Fundacion Pa Nos Comunidad y otro instancianan, a base di cooperacion y ta intermedia pa yuda un cliente por haya paquete di cuminda via di un di e instancianan aki. Tin tambe e situacion di vivienda, unda cu DAS no ta dispone di cas propio, sino cu ta purba intermedia via FCCA pa un cliente haya un cas. Asina ta purba yuda intermedia cerca entre otro ELMAR, WEB, deurwaarder etc.

DAS ta pone enfasis cu tur esakinan ta a base di cooperacion y DAS no tin niun autoridad pa obliga un di e instancianan aki pa yuda. Pues ta keda na discrecion di e instancia pa yuda y na con hopi nan kier of por yuda. Tambe nos kier clarifica cu DAS no tin niun acuerdo cu Rode Kruis

y te unda cu DAS por a compronde, nan no tin suficiente boluntario na e momento aki pa por yuda DAS den por ehempel vivienda di urgencia.

Manera por wak, DAS tey pa yuda e cliente pero DAS tambe tin su restriccion y mester tene cuenta cu diferente aspecto manera e.o. ley, e motibo di e crisis, cooperacion di otro instancia manera menciona anterior y algo hopi importante, cu ta e rol cu e cliente ta hunga cu ta importante den e solucion di su crisis personal, cual hopi bes ta un acumulacion di diferente problemanan no atendi ya pa un tempo largo di si bida. Esakinan tur mester tene na cuenta cu ne na momento di brinda sea ayudo financiero temporario, ayudo huridico y/of ayudo/guia psicosocial.

Finalmente DAS kier a pone cla na comunidad cu e Departamento ta kere fielmente cu e ta e deber di cada profesional den su ramo pa actua segun moral, norma y valor. Libertad di expresion ta un derecho cu cada un ciudadano mester por eherce, pero lastimamente tin reportero ta abusa

di e privilegio, ta practica libertinahe y cu claramente un finalidad politico.

Sinembargo, comunidad di Aruba por ta trankilo cu DAS ta uno cu ni den pasado, ni awo, lo wordo uza como instrumento politico y lo sigui eherce su debenan manera mester ta, yudando te caminda cu por.

DAS tey pa atende y preveni crisis pero e solucion no ta den DAS su man so. E ayudo clave ta den man di e cliente mes, e cliente mester acepta, ta habri, mester por wak y mester kier pa su situacion drecha. DAS su trahadonan social ta traha hopi duro na yuda soluciona casonan di crisis y DAS tin pleno confiansa den su trahadonan social cu ta profesionalnan den nan ramo.

Pa mas informacion tocante DAS su servicionan por yama na telefon 528-1100 of like nos pagina di Facebook "Departamento di Asunto Social" y keda na altura di tur informacion.



BUSCANDO TRABAJO?

Si bo ta interesa pa solicita pasa libremente di dialuna pa diabierna entre 7:30 cu 11:00 am
na DPL Seroe Blanco 4.

Mester acudi cu Cedula of un papel di Censo di fl.5,- pa wordo atendi. #dplaruba
Nos TEAM ta cla pa yudabo haya un Entrevista Laboral!



Oportunidad pa Trabou Solicita na DPL

D Pelos Beauty Salon Unisex: Stylist
Dream Bowl: Bowling Machine Technician - Night Cleaner
Kibok's Barbershop: Kapper
Wing Hung Bar & Restaurant: Barbediende
Slim Beauty Center: Barbero
JM Auto Leasing: Body Man
The Ritz Carlton: Chef de Partie (Kitchen Brand Ambassador) - Purchasing Agent (Accounting) Clerk
Chiropractic Clinic RVP: Schoonmaakster
The Golden Link Enterprises: Juwelier
Kay's Fine Jewelry NV: Gemologist - Bode
Renaissance NV: General Manager
Shoe Express Shop & Services NV: Schoonmaakster
I Love Aruba 3: Silver Specialist - Cashier
Panaderia Moderna: Bakkerhelper (production)


Sweet Peppers Restaurant & Bar: Kok
Chupa Dede Snack: Dishwasher
La Granja: Grill Cookhelper
Save More Supermarket NV: Schoonmaakster
People Development Special Contractors: Cleaner
Texas de Brazil: Cleaner
G.N. Exceptional Security and CC: Bewaker
Sport 88 NV: Scuba Diving Instructors
Panaderia y Pasteleria del Campo: Bakker
Aruba Pools: Supervisor Pool Project
Smart Contractor: Cook Helper
Perfil C&C Grafico: Digital Press Operator
- Medewerker Print - Assistant Drukker
GTS Aruba: Administrative Assistant
Extreme Home: Algemeen Helper

NG Supermarket: Magazijnbediende
Acero Real Estate & Construction: Onderhoudsman
Mi Dudu Bar Restaurant: Waitress
Ramon Service Garage: Automonteur
Second Son: Retail Manager - General Manager
Rooi Bosal Apartments: Onderhoudsman - Schoonmaakster
John's Garage: Uitdeuker
Pro Elite Productions & Entertainment: Sound & Video Technician
ICR Tech NV: Technico di Cellular
Around Aruba Tours & Transfer: Mecanic
Sole: Store Manager
Aruba Riba Restaurant: Cook Helper
San Investment Group: Graphic Design

Adju Upholstery and Matress: Matrassenmaker
Excelencia Catering & Services: Cook Helper
Aldriza Administration: Consulent
Dancing Chef: Sushi Chef - Tepan Chef
Marielis Learning Institute: Night Cleaner
Viva Car Rental: Autowasser
Kalin Mexican Food: Cook Helper
Los Cafeteros: Chef Cook
Pelca Development: Project Manager
Italia Night Club: Purchasing Assistant - Cleaner - Busser
Castellammare Holdings VBA: Quality Analyst
Piazza Restaurant: Waiter - Maintenance Man - Kitchen Helper
The Ritz Carlton: Cook
Adv Construction: Ijzervlechter - Timmerman

Tat Fat Home Depot & Hardware: Roofing Machine Operator
Blue Sky Enterprises: Warehouse Attendant
Scissor Style Beauty Shop: Manicurista
Calidad Supermarket: Slager
Hearts on Fire: Gemologist
Sarita's Gems International: Geomology
Emboca Food Lounge: Chef/Kok
Cuba's Cookin: Dishwasher
Nikkei Sushi Bar: Chef/Kok
Orange Matrassen Fabriek: Stoffeerder
Auto Excellence Body & Repair Shop: Body Man
V.L. Construction & Services: Schoonmaakster - Dakbedekker

Delux Real Estate: Timmerman - Sales Rep/adm
Mango: Head Visual Merchandiser
Sayo Supermarket: Helper (verpakster)
Jehova Jireh Beauty Salon & Barber Shop: Schoonheidspecialisatie
Amsterdam Manor Beach Resort: Beach Attendant - Cook Helper - Store Room Keeper
- Room Attendant
The Turtle cove: Bartender
Glamour Unisex Beauty Salon NV: Estelista
Profesional Integral
Los Recuerdos de Ella Bar Restaurant: Bartender
Grind Coffee House: Cook
Abba Spa and Beauty Salon: Manicuriste
Lady Bugs Apartments: General Manager
Salina 2: Purchasing Manager
Generation 2000 NV: Manager
Super Shopping: Cashier
Tropical World Island: Retail Manager
Eelens Consultancies: Consultant Global Health
Fung Shung Restaurant: Barbediende
Euro Car Services: Automonteur


 A portrait of Minister Dangui Oduber, a man with short dark hair, wearing a dark suit, white shirt, and a pink tie. He is smiling and looking towards the camera. The background is white with blue and yellow geometric shapes.
 MINISTER DANGUI ODUBER
Minister di Turismo, Salud y Deporte

MINISTER DANGUI ODUBER: PROME EDICION DI ISLAND FEST LO TA DIA 29 DI MEI!



Siman pasa den conferencia di prensa Minister di Turismo sr. Dangui Oduber a anuncia cu 29 di mei binidero lo tin e prome edicion di Island Fest. Despues di hopi contratiempo esaki lo ta un realidad, e festival aki lo reemplasa loke tabata e Carubian Festival.

Pa sostene e maneho di Turismo unda ta trece turistanan di calidad, a crea Island Fest. Island Fest lo organisa 1 evento pa luna, cu lo ta den e distrito di San Nicolas. E festival aki lo duna e turista e valor pa su placa. A scohe e fecha di 29 di mei pa e prome edicion, esaki debi cu ta high season y ta den e siman di Soul Beach Music Festival.

“Den e siman nan cu ta sigui lo tene un conferencia di prensa unda lo duna mas detayes over di Island Fest y con esaki lo ta. Tambe pa invita e comunidad pa

sostene e evento aki pa e bira un exito rotundo” esei Minister Oduber a bisa.

Minister Oduber ta kere firmemente den desaroyo economico pa San Nicolas y Island Fest ta forma parti di e desaroyo aki. Ta hopi atencion ta wordo duna pa

stimula movecion, stimula trafico di hende y actividad economico. Minister Oduber di awor caba ta invita comunidad di Aruba pa asisti na e evento grandi aki dia 29 Mei 2019.





Celebracion dia di Rey

Apertura di exposicion di ANA:

PRESENCIA Y INFLUENCIA DI CLERO HULANDES NA ARUBA

Dia: 27 april 2019 - Dia di Rey

Ora: 10.00 a.m. - 6.00 p.m.

Lugar: Archivo Nacional Aruba



DIA DI REY NA ANA BO MESTER TEY !

Lo tin un variedad amplio di cuminda crioyo, snacks, bolo, cos dushi, bailenan folklor, musica, weganan popular pa grandi y chikito, y un tremendo kids corner e.o. dino jump y trampolin.

Un actividad familiar na encargo di



MINISTER CHRIS ROMERO

Minister di Transporte, Comunicacion y Sector Primario

HURADONAN A CALIFICA E PROYECTONAN CU SCOLNAN A ENTREGA PA “HOFI AMISTAD”

Recientemente un panel di experto a haya e tarea dificil di califica e proyectonan cu a wordo entrega pa cu e iniciativa di Santa Rosa/DLVV cu tin como nomber “Hofi Amistad”. E tabata un trabou dificil pero sigur hopi satisfactorio pa esnan cu a acepta e trabou aki.

Huradonan tabata sra. Tirzanne Cordeiro-Williams, juf. Desiree Correa, sra. Lisette Tromp-Thijssen, sr. Boey Marchena, sr. James Ocalia y di Santa Rosa sr. Ludwig Rasmijn. E calificacion a bay den super bon ambiente y e huradonan a keda asombra di mira e creatividad cu e muchanan di scol basico a presenta den nan proyecto.

Directora di Santa Rosa/DLVV, sra. Nathalie Maduro ta hopi satisfecho di e reaccion cu a haya for di e diferente scolnan cu a participa den e proyecto Hofi Amistad. Tabatin un cantidad di 11 scol cu a participa e aña aki y ta spera cu e proyecto aki lo sigui crece, como cu e lo ta un incentivo cu Santa Rosa lo duna e scolnan tur aña. Sra. Maduro tin e certesa cu pa e siguiente añanan e proyecto Hofi Amistad lo tin un acohida total den e diferente scolnan basico di Aruba.

E proyecto ganador lo wordo anuncia den e prome siman di mei y un di e premionan lo ta cu Santa Rosa mes lo guia y apoya e scol ganador den e contruccion y mantencion di nan Hofi Amistad.

MINISTERIO DI TRANSPORTE
COMUNICACION Y SECTOR PRIMARIO



*Nos Planeta Tera ta nos refugio;
ban yuda proteg'e y
cuid'e pasobra e futuro di hopi
generacion ta depende di dje*





GOBIERNO DI *ARUBA*

NOTIFICACION DI GOBIERNO DI ARUBA

PROCESO DI SCREENING DI INVERSIONNAN GRANDI NA ARUBA:

Gobierno a tuma nota di un carta interno, fecha 19 di maart, 2019, entre Banco Central y banconan comercial na Aruba.

Na e momento aki e screening usual ta tumando luga riba peticion di Gobierno di Aruba, manera ta e caso den proyectonan di inversionnan grandi.

Esaki tur den cuadro di e proceso inicia pa cu otorgamento di un permiso di divisas.

Prome Minister Evelyn Wever-Croes:

Poniendo e ser humano central:

SEÑORA SAHAYRA KELLY TA E 'KWARTIERMAKER' ENCARGA PA ORGANISA OFICINA DI OMBUDSMAN



Aruba pronto lo tin su propio Ombudsman. Ya caba e procedura ta andando pa Ombudsman pronto bira un realidad na nos pais tambe. Prome Minister Evelyn Wever-Croes a reuni cu señora Sahayra Kelly, kende ta e persona apunta como 'kwartiermaker' di Ombudsman.

Desde cu Gabinete Wever-Croes a tuma over gobernacion, a pone e ser humano central y ta trahando pa wak cua ta e formanan pa duna miho proteccion na e ser humano. Aruba ta e unico pais den Reino cu no tin un Ombudsman. Un Ombudsman ta un defensor di pueblo. Caminda cu un ciudadano ta sinti cu e no a wordo bon trata door di un departamento di Gobierno, e por acudi na un Ombudsman kende lo studia e caso y duna conseho na Gobierno con pa actua. Si e ciudadano ta sinti cu su derechonan no a wordo cumpli cu nan, of ta wordo trapa den e proceso di pidi permiso, tereno, restitucion di Impuesto, ta algun casonan valido cu un ciudadano por acudi na un Ombudsman. Prome Minister ta un promotor tras di e ley aki pa bin cu e Ombudsman. Pronto e ley di Ombudsman ta bay Parlamento. Ya caba tin fondonan den presupuesto pa e gastonan di e Oficina di Ombudsman.

Señora Sahayra Kelly Tambe como 'kwartiermaker' ya caba a cuminsa planifica e oficina aki. Despues cu e ley pasa, lo habri solicitudnan di Ombudsman, Kinder-Ombudsman y demas funcionnan cu e oficina ta rekeri. Posicionnan aki lo wordo yena primeramente door di hendenan cu ya ta trahando den Gobierno caba mirando cu tin un 'personeelstop' na vigor. Oficina di Ombudsman ta bay ta un instituto totalmente independiente di Gobierno pa garantisa miho servicio pa atende cu derechonan di ciudadanonan.

Prome Minister Evelyn Wever-Croes: "E plannan pa introduci e Ombudsman ta bayendo den bon caminda, pendiente di e ley cu mester wordo trata dentro di poco den Parlamento. Esaki ta un proyecto cu mi a cuminsa 5 aña pasa caba, tempo mi tawata den oposicion. Y awo esaki ta bira un realidad pa asina cada ciudadano di nos pais por sinti e seguridad cu nan derechonan lo wordo respeta. Di e manera aki e ser humano ta wordo poni central".



GOBIERNO DI ARUBA

un
Feliz Dia

ISLAONLINE
PA INFORMACION
CORECTO Y BERDAD